



**Ekskluzivno** Gerald Knaus, direktor ESI, za „Avaz“

# IMIDŽ BIH U EVROPI LOŠIJI NEGO BOSANSKA STVARNOST

Na Bosnu se još gleda kao na tranzicijsku tačku kroz koju prolaze droge i žene • Šiling neće imati problema sa političarima iz RS • Zašto nema liberalizacije viznog režima • Manje administracije nego u Hrvatskoj

O cjenjujući tok ustavnih reformi, Gerald Knaus ističe da je dobro da političari razgovaraju o tome jer su time u glavama uklonjene barijere o tabu temi „Ustav“.

- Ne mislim da se političari ne

moгу dogovoriti oko promjena ustava, nego se više radi o tome kako to prodati biračima prije izbora. Mislim da će kroz približavanje EU reforme biti lakše jer će opravdanje biti u europeizaciji zemlje, tvrdi Knaus. 2. str.

**Goodyear liga**



Spektakl u Skenderiji: Mladi Emir Zimić je digao navijače na noge atraktivnim pokušajem zakucavanja (Foto: F. Foča)

Prvak BiH potpuno nadigrao ekipu Širokog

# Ljepotica Bosne za plus 37

**Posjete: Susreti ef. Cerića u Sloveniji**

**PODRŠKA DA SE GRADI DŽAMIJA U LJUBLJANI**

4. str.



**Kriza vlasti: Ministar Mirsad Kebo**



**NE VIDIM SMISAO KOMBINATORIKE DRAGANA ČAVIĆA**

5. strana

**SDU: Miro Lazović za „Avaz“**

**NIJAZ DURAKOVIĆ NIKADA NIJE BIO DALEKO OD NAS**

9. strana



Svim muslimanima čestitamo Novu hidžretsku 1427. godinu  
Redakcija



**OTO REHAGEL ZA „AVAZ“**

**Evropski prvak ne bira protivnike**

41. strana



**MLADIĆEV ČOVJEK**

**U Beogradu uhapšen Jovo Đogo**

4. strana



**MOSTAR**

**Samaran se zahvalio skakačima**

7. str.

## Ešdaun u potpunosti podržao liberalizaciju viznog režima

Izuzetno je važno uvjeriti EU da je BiH ozbiljna kad je u pitanju vladavina zakona

Visoki predstavnik PEDI Ešdaun podržao je u potpunosti dokument Evropske komisije o zapadnom Balkanu s ciljem da se liberalizira vizni režim, navodi se u saopćenju iz OHR-a.

- Ovo je prvi korak na putu koji će okončati potpunom liberalizacijom viznog režima. Predsjedavajući Vijeća ministara BiH Adnan Terzić i ja zagovarali smo u evropskim krugovima da dođe do liberalizacije viznog režima - istakao je Ešdaun.

On je napomenuo da je izuzetno važno nastaviti sa reformnim procesima, posebno u sektoru policije, kako bi Evropa vidjela da je BiH ozbiljna kad je u pitanju vladavina zakona, te kako bi bh. građani imali slobodan pristup Evropi.

Šef Delegacije Evropske komisije u BiH ambasador Majkl Hemfriz predstavio je u petak u Sarajevu dokument „Zapadni Balkan na putu ka



Ešdaun: Jedna od mjera EU

EU: jačanje stabilnosti i podsticanje napretka“.

Pojednostavljivanje režima za izdavanje viza jedna je od mjera nove politike EU prema zemljama ovog regiona.

Građani BiH platili su prošle godine za vize oko 50 miliona maraka.

## Miro Lazović, dopredsjednik SDU BiH BiH je dugo zarobljena u sendviču nacionalnih i boljševičkih podjela

Nijaz Duraković ušao u uže rukovodstvo stranke

Nijaz Duraković ušao je u uže rukovodstvo SDU BiH. Na sjednici Predsjedništva, održanoj u petak u Živinicama, izabran je za člana ovog tijela. Dopredsjednik SDU Miro Lazović potvrdio je za „Dnevni avaz“ da je Durakovićovo pristupanje stranci izazvalo veliko zanimanje bh. građana koji se posljednjih dana u nemalom broju priključuju ovoj opciji.



Lazović: Prepoznatljiva politika

- Sretan sam što je doktor prihvatio program i aktivnosti SDU kao svoje. No, on nikada nije bio daleko od nas. Od Osnivačke skupštine i prvog kongresa bili smo politički i prijateljski bliski. Tako da je ulazak tog nesumnjivog političkog znalca i dokazanog

patriote došao kao priznanje da smo vodili prepoznatljivu, odgovornu i patriotsku politiku. Zajedno s njim, SDU će nastojati pružiti još snažniji doprinos u prevazilaženju političke besperspektivnosti u kojoj se BiH nalazi dugo, zarobljena u sendviču nacionalnih i boljševičkih podjela - kaže Lazović.

Pored Durakovića, interesovanje za ulazak u ovu opciju najavio je i Safet Isović, jedan od osnivača SDA. Lazović navodi da mu imponuje da ljudi kao Isović, kojeg iznimno cijeni, pokazuju interesovanje za SDU.

Ističe i da će SDU BiH pružiti podršku SNSD-u i Miloradu Dodiku, u promjeni Vlade RS. Ipak, podrška neće biti neograničena.

- Situacija u RS je već duže vremena politički nestabilna i tražila je promjenu. Iako Dragan Čavić povremeno zna biti kooperativan, jasno je da ta vlast u cjelini nije bila ni za BiH, ni za RS pa ni za srpski narod. Stoga, našu podršku novoj vladi mjerit ćemo prema odnosu spram države, evropskih integracija, a posebno po odnosu prema Bošnjacima i Hrvatima koji su do sada samo na papiru bili ravnopravni građani RS - zaključio je Lazović.

L. SINANOVIĆ

**Ekskluzivno** Gerald Knaus, direktor ESI za „Dnevni avaz“

## Imidž BiH u Evropi lošiji nego bosanska stvarnost

Na Bosnu se još gleda kao na tranzicijsku tačku kroz koju prolaze droge i žene za Evropu, iako takvo gledište nije zasnovano na činjenicama, kaže Knaus

Direktor Evropske inicijative za stabilnost (ESI) Gerald Knaus i izvanredni poznavalac prilika u ovom dijelu Evrope uvjeren je da će BiH u narednih 12 mjeseci potpisati Sporazum o stabilizaciji i pridruživanju (SAA) sa EU, jer i Evropska komisija vjeruje u to.

Osim toga ističe da je BiH danas mnogo stabilnija nego što je bila Makedonija u periodu kad je potpisala SAA 2001. godine, u vrijeme turbulencija i etničkih sukoba u toj državi.

- U Evropskoj komisiji, također, jako cijene bh. pregovarački tim, koji se pokazao kompetentnim, što još više jača uvjerenje o uspješnom okončanju pregovora - kaže Knaus, koji boravi u BiH pripremajući novu političku analizu, koja bi trebala biti objavljena u martu.

### Status kandidata

No, sa statusom kandidata i samim članstvom, smatra on, put će biti znatno teži, jer se radi o političkom pitanju da li druge evropske vlade promatraju BiH kao dovoljno stabilnu zemlju da postane kandidat.

- Problem leži u tome da je imidž BiH u Evropi znatno lošiji nego što je bosanska stvarnost. Tamo se BiH promatra kao zemlja u kojoj je kriminal mnogo veći nego u drugim dijelovima Balkana. Međutim, ako pogledamo statistike, to nije tačno - ističe Knaus.

### EU neće tražiti dramatične promjene Ustava

EU neće zahtijevati dramatične promjene Ustava kojim bi se uklonili entiteti. Ono što će se tražiti jeste da državne strukture enormno povećaju svoju efikasnost, što će zahtijevati ozbiljne reforme.

Prema njegovim riječima, na BiH se još gleda kao na tranzicijsku tačku kroz koju prolaze droge i žene za Evropu, iako takvo gledište nije zasnovano na činjenicama.

- Takvo poimanje Bosne kao izvora nestabilnosti dovodi do toga da u EU kažu da nema liberalizacije viznog režima i da se pazi sa mogućim statusom kandidata - tvrdi Knaus.

Prema njegovom mišljenju, rješenje je jednostavno. Potrebno je samo prezentirati stvarnost bez šminkanja da bi se loš imidž BiH promijenio.

- Treba pokazati podatke koliko ljudi ilegalno prelazi granicu s Hrvatskom, koliko se ubistava dešava u poređenju sa Slovenijom, Bugarskom... U Londonu, Beču... nema bosanske mafije. Ali, ta nepouzdanost kod privrednih, kriminalističkih i drugih statistika omogućava da se ova



Knaus: Švarc-Šiling neće imati problema s političarima iz RS (Foto: S. Jordamović)

država ne smatra ozbiljnom - pojašnjava direktor ESI-ja.

On smatra da je i međunarodna zajednica prisutna u BiH odgovorna za komunikaciju prema vani.

- Tu je veoma bitna precizna analiza. Naprimjer, predstavnici međunarodne zajednice često vole reći da je u BiH „previše administracije“. No, ako se upo-

Knaus ističe da novi visoki predstavnik Švarc-Šiling neće kroz svoje stavove o jačanju države BiH imati probleme sa političkim strukturama iz RS. Navodi i činjenicu da ga je još 1997. godine tadašnja predsjednica RS, a današnja osuđenica zbog ratnih zločina Biljana Plavšić imenovala za medijatora u tom dijelu BiH.

### Ratna dešavanja

- Ono što se od Švarc-Šilinga može očekivati jeste da ima jasan stav o ratnim dešavanjima u BiH. Njegova biografija pokazuje gdje je stajao po tom pitanju. Međutim, on nije tu da bije bitke iz prošlosti nego da pomogne napretku BiH - govori Knaus.

### Kako biračima prodati reforme

Ocjenujući tok ustavnih reformi u BiH, Knaus ističe da je dobro da političari razgovaraju o tome jer su time u njihovim glavama uklonjene barijere o tabu temi „Ustav“.

- Ne mislim da se političari ne mogu dogovoriti o promjenama Ustava ili da se boje reformi, nego se više radi o tome kako to prodati biračima prije izbora. Ja mislim da će kroz približavanje EU reforme biti lakše jer će opravdanje biti u europeizaciji zemlje - zaključuje Knaus.

On naglašava da Švarc-Šiling neće odbaciti bonske ovlasti, ali da ih, vjerovatno, neće mnogo koristiti, jer domaće institucije trebaju pokazati spremnost za preuzimanje odgovornosti.

S. TURČALO

## Kontra / stav



Tonči Tadić, HSP-ov zastupnik u Saboru

- Najdublje sam zabrinut što je obaveza Hrvatske da uđe u trgovinsku uniju sa susjedima s istoka. To je garanje u neki oblik jugoslovenske asocijacije.



Ivica Račan, predsjednik SDP-a Hrvatske

- Suvišni su strahovi o obnovi neke jugoslovenske asocijacije i oni postoje kod nepućenih ljudi. Hrvatska reba će se teže probijati u EU i zato nam treba istok.